

## **Obavijest o novoj klasifikaciji djelatnosti u BiH**

S vremenom su se dogodile značajne promjene u strukturi i organizaciji ekonomije, te u razvoju novih tehnologija, što je rezultiralo stvaranjem novih djelatnosti i novih proizvoda. Stoga je bilo nužno izvršiti cjelokupnu reviziju klasifikacije NACE Rev. 1.1, odnosno, klasifikacije ISIC Rev. 3 ekonomskih djelatnosti, kao i svih drugih klasifikacija koje se na njima zasnivaju.

Rezultat velike revizije, koja se u EU odvijala između 2000. i 2007. i koja je poznata pod nazivom „Operacija 2007“, jeste izrada nove verzije Statističke klasifikacije ekonomskih djelatnosti u EU – NACE Rev. 2.

S obzirom da je, u skladu sa Zakonom o klasifikaciji djelatnosti, Klasifikacija djelatnosti Bosne i Hercegovine (KD BiH) u svojoj osnovi standard preuzet od evropskog standarda, svaka revizija klasifikacije ekonomskih djelatnosti u EU povlači i za sobom i promjene Klasifikacije djelatnosti BiH. Na ovaj način se osigurava kontinuitet usporedivosti bh. podataka na evropskom i svjetskom nivou.

U vezi s navedenim, statističke institucije u BiH izvršile su usklađivanje Klasifikacije djelatnosti Bosne i Hercegovine – KD BiH sa klasifikacijom EU NACE Rev. 2. Radna grupa sastavljena od predstavnika svih statističkih institucija u BiH izradila je novu verziju statističke klasifikacije djelatnosti BiH pod nazivom Klasifikacija djelatnosti Bosne i Hercegovine 2010. – KD BiH 2010.

I pored toga što su se neka ranija pravila za primjenu klasifikacije djelatnosti promijenila, te revidirali kriteriji za sastavljanje klasifikacije i formulacije objašnjenja, osnovne karakteristike klasifikacije ostale su nepromijenjene. Važno je naglasiti da se značajno povećao nivo detaljnosti klasifikacije (sa 514 na 615 razreda), te se u KD BiH 2010 kao najniži nivo upotrebljava nivo razreda, odnosno četverocifrena šifra djelatnosti, kao i u klasifikaciji NACE Rev. 2. U prethodnoj verziji KD BiH primjenjivala se petocifrena šifra djelatnosti, što je bila dodatna razrada u odnosu na NACE Rev. 1.1.

Na osnovu čl. 6. i 9. Zakona o klasifikaciji djelatnosti u Bosni i Hercegovini ("Službeni glasnik BiH", broj 76/06, 100/08 i 32/10) **Agencija za statistiku Bosne i Hercegovine donijela je Odluku o klasifikaciji djelatnosti BiH 2010, koja je objavljena u "Službenom glasniku BiH" broj 47/10 od 8. juna 2010. godine. Sastavni dio ove Odluke su:**

- a) Klasifikacija djelatnosti BiH 2010,**
- b) Klasifikacija djelatnosti BiH 2010. sa objašnjenjima,**
- c) Metodologija za statističku primjenu Klasifikacije djelatnosti BiH 2010.**

**Odluka je stupila na snagu danom objavljivanja u "Službenom glasniku BiH", a primjenjivat će se od 1. januara 2011. godine.**

U razdoblju do 1. januara 2011. godine statističke institucije će pripremiti i izvršiti planirani set povezanih zadataka i aktivnosti u vezi sa koordiniranom tranzicijom iz klasifikacije KD BiH u KD BiH 2010, kao i u vezi sa provedbom KD BiH 2010. u statistički poslovni registar i različite statističke domene.

Jedinice u statistici kom poslovnom registru prešifrirane se upotrebom postojećih tabele veza, korištenjem informacija iz postojećih statističkih istraživanja i provođenjem posebnog istraživanja. Preostali dio jedinica prešifrirane se metodom vjerovatnoće na osnovu rezultata posebnog istraživanja.

U statistici kom poslovnom registru, obje verzije klasifikacije moraju biti operativne dok sva statistička istraživanja ne pređu na novu klasifikaciju djelatnosti. Drugim riječima, za sve jedinice u statistici kom poslovnom registru vodit će se dvije šifre djelatnosti, po KD BiH i po KD BiH 2010.